

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Služba za privredu i lokalni ekonomski razvoj

Broj: 02/ 03-05-23814/16 EM
Sarajevo, 22.12.2016.godine

Predmet: Analiza ankete provedene putem 800 email adresa kompanija sa teritorije Općine Novi Grad Sarajevo

Shodno programu rada Službe za privredu i lokalni ekonomski razvoj od 26.10-04.11.2016 godine, provedena je anketa upućena na 800 e mail adresa kompanija sa teritorije Općine Novi Grad Sarajevo.

Provedeno je anketno ispitivanje putem posebno kreiranog upitnika, s ciljem provjere zadovoljstva privrednika sa aktuelnim mjerama podsticaja koje provodi Općina Novi Grad Sarajevo i obezbjeđenja prijedloga inicijativa za nove mjere.

Rezultati ankete su sljedeći:

1. Aktuelne mjere podsticaja: (Zaokružiti najkorisniju mjeru)

- a) Kreditne linije uz regresiranu kamatnu stopu – **41,9% odgovora**
- b) Sufinansiranje prekvalifikacije za deficitarna zanimanja – **22,6% odgovora**
- c) Sufinansiranja prijema pripravnika –prvo radno iskustvo – **38,7 % odgovora**
- d) Ulaganje u infrastrukturu poduzetničkih zona – **32,2% odgovora**

2. Prijedlog novih mjera: (Zaokružiti najkorisniju mjeru)

- a) Finansiranje zamjenskih kredita – **32,3% odgovora**
- b) Finansiranje troškova edukativnog programa obuka kadrova za poznatog poslodavca –**41,9,% odgovora**
- c) Podrška za uvođenje certifikata i međunarodnih standarda – **35,5 % odgovora**
- d) Uvođenje nagradnog fonda za finansiranje najboljih biznis planova-podrška start up biznisima –**19,4% odgovora**
- e) Finansijska podrška za promociju uspješnih kompanija, proizvoda i usluga(sajmovi, zajednički promo materijal) – **29% odgovora**

3. Prijedlozi novih podsticajnih mjera od strane privrednika

- Istaknuta je ideja od većeg broja privrednika da se formira poslovni inkubator, odnosno zajednički opšti servis u smislu računovodstvenih usluga, posredovanja, edukacija, izrade projekata, smanjenje zakupnine, promocije i sl.
- Također, od strane privrednika predloženo je i konkretno uvođenje olakšica u smislu oslobađanja od plaćanje takse na istaknutu firmu;

Izdvojene inicijative i sugestije privrednika:

- ✓ Strukturalno sagledavanje i analiziranje privrednih klastera i stvaranje mreže saradnje
- ✓ Zagovaranje kupovine domaćih proizvoda i projekcija efekata
- ✓ Predlaže se da zakupoprinci poslovnih prostora mogu i otkupiti poslovni prostor
- ✓ Privrednici zainteresovani za smanjenje zakupnine općinskih prostora
- ✓ Privrednici iskazali zainteresiranost za osnivanje mreže privrednika
- ✓ Jača kontrola nelegalnog priređivanja
- ✓ Podrška u korištenju općinskih kapaciteta za edukativne programe za razvoj radne snage
- ✓ B2B susreti
- ✓ Podrška u obezbjeđenju partnera za poslovanje
- ✓ Privrednici zainteresovani za reformu srednjeg obrazovanja u smislu uvođenja specifičnih zanimanja prema zahtjevima tržišta

Na osnovu provedene analize, evidentno je da privrednici podržavaju postojeće mjere podsticaja, ovim redom:

1. Podrška putem kreditne linije uz regresiranu kamatnu stopu
2. Sufinansiranje prijema pripravnika
3. Ulaganje u infrastrukturu poduzetničkih zona
4. Sufinansiranje prekvalifikacije za deficitarna zanimanja

Prijedlog novih mjera od strane Službe za privredu i LER klasificiraju se na način da je:

1. Najveća podrška data finansiranju troškova edukativnog programa obuka kadrova za poznatog poslodavca (edukacije, prekvalifikacijedoobuke, obuke..)
2. Podrška za uvođenje certifikata i međunarodnih standarda
3. Finansiranje zamjenskih kredita
4. Finansijska podrška za promociju uspješnih kompanija, proizvoda i usluga(sajmovi, zajednički promo materijal)
5. Uvođenje nagradnog fonda za finansiranje najboljih biznis planova-podrška start up biznisima

Zaključci:

1. Rezultati ankete će se koristiti prilikom izrade Programa rada za 2017.godinu kao i u okviru revizija Strategije razvoja Općine Novi Grad Sarajevo za period 2017-2020.godine te prilikom izrade Planova infrastrukturnog razvoja, izrada Budžeta i dr.

Priprema i kontrola analize provedene ankete:

- Elma Mujezinović, viši stručni saradnik za lokalni ekonomski razvoj
- Hazima Pecirep, šefica odsjeka za lokalni ekonomski razvoj